



**Creütz büchlin oder ermanung des wolgeborn?[n] Herrn  
Sigmunden Grauen vou Hohenloe. Thumdechan d[er] hohen  
Stiftt z? Straßburg, nach altem herkom?[m]en, beschehen an  
die Vicarien vnd Chorßverwanten daselbst.**


<https://hdl.handle.net/1874/425368>



# reütz büchlin

## oder ermanung des wol

gebornē Herrn Sigmunden Grauen von Hohenloe / Thum  
dechan d' hohen Stiffe zu Straßburg / nach altem her  
kommen / beschehen an die Vicarien vnd Chorver  
wanten daselbst.



Domine  
quis credi-  
dit sermo-  
nibus no-  
stris.

V. e. mundo  
ab offendi-  
culis.

Matth. 10.  
Mar. 8.  
Luce 9.



# Sigismundt Graue von Hohē

loe / Rhum Decan der hohen Stiffe zu Strassburg 12.  
Wünsch eüch lieben brüder vñ fründten / Vicarien  
vnd verwanten des Chors der hohenstiffe.



## Iebarmhertzigkeit Got

tes zu erkennen / lieben die warheit / vnd das gottes  
lig recht geistlich wesen. Etlich jar habe ich eüch /  
lieben brüder / samptlich zu latin drey mal lassen er  
manen / zu gehorsam / erstlich der gebott gottes / darnach auch  
der Statuten vnd ordnung / die ir von Decan vñnd Capitel /  
ewern menschlichen obern haben. In welchen ermanungen /  
ich eüch arkney hab lassen anzeygen gemeiner geprechen / die  
ich vnder eüch vermerckt vnd befunden / in dem nichts anders /  
dañ die eer gottes vñ ewer besserung gesücht / des ist gott mein  
zeitig. Vnd aber / die selbigen ermanunge / die noch vor handen  
seind / vnd mit der zeit villeicht auch an das gemein liecht kom  
men werden / in denen menglich sehen würt / wie ernstlichs be  
denckens ich allweg geheyt zu der eer gottes / vñ ewer selē heyl.  
Wie kleine frucht aber solche bey eüch geschafft habē / soll noch  
gott / eüch am besten zu wissen sein / sunst singt vñ sagt gar noch  
jederman darvon. Ich hab mich zwar auch nye künden gros  
ses nukes daher versehen / also vnlüstig / verdüßlich vñ veräche  
lich haben ewer seer vil sich zu den selbigen ermanungen erzey  
get / vñnd bewisen / vil nit kōmen / vil darbey gefessen vñ geschlaf  
fen / nit wenig darnach vnchristlichen hadder angefangen / üp  
pige verwenete lesterwort getriben vor vñnd nach solcher erma  
nung / do sye zür lieb / gedult / vñnd aller christlicher fründtlich  
keit vermanet waren.

¶ Die weyl daß auch vnser Herr vnd heyland Christus gepü  
tet das heylthumb nit für die hund zu werffen / noch die perlin

für die few schützen/vñ hund seind die der warheit widebeissen  
auch zu beissen die in solchs sagen/vnderston /few aber die die  
perlin der heylgen lere verachten/vnd mit füßen treten/wil lie  
ber im vnflat weltliches prachts vñnd fleyschliches vnkufts sich  
walgern vñnd besudlen/hab ich nit künde für besserlich ansehen  
eüch diß jar wider also zu samlen vñnd ermanen. Dañ warlich  
nit wenig vñnder eüch zu vil verächtlich/so sich zu solchen erma  
nungen gehalten vñnd auch so vnuerschampt in irem sündtli  
chen schandlichen leben verharret haben/ mit verachtung ab  
ler straff vñnd warnung/auch von dem hochwürdigen Fürsten  
vnserem G. Herrn Bischoff vonn Straßburg vorhin mehrer  
mals beschehen/das die selben wol für few mögen gehalten wer  
den/die die perlin götlicher wort mit füßen treten / was dann  
bey vil widerbellens/durch giftige lesterwort/wider die war  
heit/vñnd allen die sich der selbigen gern wolten annemen/ teg  
lich gehört würt/ist leider bekentlicher/dann das not sey deß et  
was anzüzeigen. Wiewol auch vñnder eüch seind die alle straff  
vñnd warnungfreylich gern hörten/ob sye schon deren nit in al  
lem künden nochkommen/ wie wir alle mit grosser schwachheit  
vmbgeben seind. Will ich eüch diß jar/vnuerfamlet lassen / a  
ber doch nit vnuermanet/vñnd verwarnet. Damit ich nichts vn  
derlaß/das mir in dem gebüren mag/vñ die lesterer nit vrsach  
haben mit lügen aufzügeben/ich hab nit acht auff die mir be  
folhen sein. Vñnd der vrsach hab ich ein schriftlich ermanung  
verfasst/die durch den druck gemanigfaltigt/auff dz ich einer  
jeden person eine künde zuschicken/der hoffnung/ir sollen sol  
che mit meer fleiß vñnd auffmercken lesen/so ir vñlleicht nit als  
so schlefferich seit/oder vnwillig.

¶ Vñnd als ir in der vergangnen fasten gemurmelt vñnd der  
druck gehept des verzugs halben der ermanung / ist n. ein beger  
zu rugen zusein / dann ich je in stetem bedacht vñnd auffsehen.

etlich hab / Darumb ir dan im besten solichs auffnehmen wölle  
das noch frů gůng ist / wo man will auffmercken / vnd der war  
heit gehorsamen / Vñ ich nit schuldig am verzug sonder durch  
den drucker verhindert.

**I**ch hab auch zů teütsch dise ermanung an eüch thon wöllen  
vnd nitt w. e. bißher zů latin / seytemal ewer etliche basß teütsch  
dan latin künde / od villeicht dz ich eher glaub / sy lieber teütsch  
dan latin lesen / ob sye die ermanung etwas basß / dan die vori  
gen bedencken wolten / vnd zů herzen fassen / auch auff dz me  
niglich sehe / wie wol ich leider selbs / auch mit vil sünden belad  
den bin / das ich doch an keinem vnordlichen vnchristlichē leben  
ein gefallen habe / vñnd gern wolte an mir vñnd den meinen  
alle ding auffß besserlichst anrichten / den waren gottes dienst  
auffbawen vnd erhalte so fern mir imer müglich vñ ich macht  
hab. Vnd was mangels in solchē an vns beschyne / das wir sol  
lichs doch in aller demütigkeit bekanten / vnd was vns der herz  
dafür für büß zůschicket mit aller gedult trügen / vnns nit selbs  
recht geben / da wir kein recht haben / der warheit / ob wir schon  
die mit vnserem lebē noch nit erreichen künden / nitt widerstres  
ben. In summa das wir in der forcht gottes lebten / jm die eer  
vnd vns die schand gebüren / erkanten / vns selb demütigen da  
mitt vns dan gott erhöhet / das gewißlich der einig recht gottes  
dienst ist.

**D**as aber ir eüch hören lassen / wie das ich predigen solte / vñ  
wan ich wölle predigen / sag ich / wo mir gott solche gnad gethō  
hette / oder thon würde / das ich von gankem herzen beger / wol  
te ich mich nitt beschweren oder beschemen das euangelion der  
gnaden gottes zů bezeugen / doch will ich als vil mir müglich  
ist helfen vnd rathen / das das götlich wort gefürdert werd / zů  
trost frid vnd freiden allen frummen christen / vnd ich ein groß  
wolgefällens hab / das ir mich dahin achten / als einen der da  
predigen solte das gots wort. Will eüch hiemit gebetten haben

diß mein erst predig im teütschen mit vleiß zu lesen/ vnd deren  
nach zukommen.

¶ Also bitte ich eüch/ aber vnd aber/ omb der eer gottes/vnnd  
ewers heyls willen/nit wöllen diß mein warnung vnd erma-  
nung verachten/die ich warlich auß liebe der warheit / vnd be-  
gird ewers heyls fürgenommen hab/bedenckt wol das Salomo  
sagt /wer zucht liebe/der will verstendig werde/wer aber straff  
hasset/der bleibt ein narz/vnd an ein andern ort. Das or/das  
do höret die straff des lebens/ würdt vnder den weisen wonen.  
Wer zucht faren laßt der verwirfft sein eigen seel/ Fast zu her-  
ken das Christus zun Pharißeern sagt. Warlich ich sag eüch  
die zoller vnndhuren so sich bekeren/ werden ee ins himelreich  
komen dan ir. Ioannes kam zu eüch / vnd leret eüch den rechtē  
weg/vnd ir glaubten jm nit/aber die zolner vnd huren glaub-  
ten im/vnd ob irs schon sehete/therete ir danoch kein büß / das ir  
jm darnach auch glaubet hetten. Der herr ist nit kommen die  
gerechten/sonder die sündler züberüffen/ Nun kendet eüch die  
welt/darumb werde ir eüch gröblich betrogen / wo irs nitt sein  
wolten/dan neüt verborgen/das nit offenbar würdt/ vnd neüt  
heimlich das nit an den tag kumpt. Erkent ir dann das ir sün-  
der seyt/so laßt eüch straffen/warnen vnd ermanen. Erzenge  
ein forcht gottes vnd nempt an die zucht / will ich mich zu eüch  
versehen/vnd also auß pflicht meines ampts/ vnd brüderlicher  
liebe/eüch dazu ermanen / das ich an eüch vnd mir von herken  
gern sehen wält/mehr dann alles güt/dz auff erden ist.

¶ Also erman ich eüch erstlich wie ir vormalß ermanet worde  
sein durch frumme vnd gelerte menner/ die ich darzu erbitten  
hab in meiner gegenwertigkeit / zu dem dienst gottes des mit  
allem vleiß zu warten.

¶ Wir haben ein Statut buch gehebt in welchen ordenungen  
begriffen den gottes dienst vnd ceremonien vnserß Chorß zu

halten/das ist verloren worden/welchs/wie wol es etlichen bes  
schwerlich ist/vnnd mir auch nit gefelt/ so wöllen wir doch die  
weil es nur von menschen herkomen ist/darumb nichts vnder  
lassen/dañ die Bibel/das buch götlicher statuten noch vor han  
den ist/auff dem fließen vns was güt vnd recht / oder zum got  
tes dienst fürderlich sein mag. Vnd bitt eüch also wolt bedenk  
cken/ir die eüch clerum domini nennet/vñ wölt für die geistli  
chen gehalten sein/das ir ewrem namen/titel vnd stand/ auff  
das christlicheft nachkommen wöllen. Auff das ir in der war  
heit sprechen mögen/ Der herr ist mein güt vnd mein teyl/das  
also ir gottes erb vnd eygenthumb vnd gott ewer erb vñ eygen  
thumb sey/das ir sunst nichts süchten noch begertten / dann im  
glauben zü gott/dadurch wir in als vnser engen güt vnd erb be  
sizen mögen teglich zü zunemen/daher dan die lieb zum nech  
sten mit aller zucht vnd erberkeit müste gemeret werden.

**G**hie zü würd aber erfordert/das ir in allen dingen müßt vff  
sagen/vnd eüch selb auch verleucknen/ ewer creüß auff eüch ne  
men/vnd das in aller gedult dem hern noch tragen/ Schlecht  
eüch einer an einen backen/das ir den andern darhält/ Will je  
mand mit eüch rechten vnnd eüch den rock nemen / das ir dem  
den mantel auch lasset/vnd eüch jemand nötiget ein meyl/ das  
ir zwo mit im gangen. Das eüch dan leicht zü thon were/wañ  
irs recht gern weren die gott zum erbteyl hetten/vnd die gottes  
erb vnd eygenthumb weren/welcher gott hatt / der hat je alles  
guts/wer dan gottes ist des wirt gott wol sorg habē/das er kein  
mangel haben mag. Darumb Petrus spricht /werfft alle sorg  
auff in/er hat sorg für eüch /vnd das kan er auch nit lassen/dañ  
er ist vnser vatter. Darumb Christus gesagt hatt / Ir solt nit  
sorgen vnd sagen/was werden wir essen/was werden wir trin  
cken/wo mit werden wir vns kleyden/nach solchem allen trach  
ten die heyden. Dan ewer hünlischer vatter weiß/das ir das al



les bedürfft/tracht am ersten nach dem reich gottes vnd nach  
seiner gerechtigkeit/so würt euch sollichs alles zufallen.

¶ Also wolt gott auch nit das die Leuiten vnd opfferer des al-  
ten Testaments etwas teyls am versprochenen land haben sol-  
ten/sonder er wolt ir teyl vnd erb sein / verordenet inen also sei-  
ner gaben/opffer/erstling vnd zehend/ damit er inen bewiſſ dz  
er sye wol ver- sehen wolt/wo sy inen im dienen wolten/dann je-  
der arbeiter seiner speiß werdt ist. Deshalb je gnüg muß habē  
der gott laſt sein teyl sein/vnd im dienet. Wie ir so offti singt  
vnd leſt im. 34. Psalm. Fürchtet in seine heiligen / dann die in  
fürchten haben kein mangel / die reichen müssen darben vnd  
hungern/aber die den herren suchen haben keinen mangel/ an  
jergent ein güte.

¶ Nun sich also an gott ergeben / im seel vnd leyb vertrauen/  
allen andern dingen auffſagen/dem reich gottes/das er von je-  
derman der einig herr erkent werd /vnd seiner gerechtigkeit/das  
man im von herzen vertraw/vnd den nechste liebe in der war-  
heit noch trachten/ist der einig war gottes dienst/vnd das recht  
geistlich leben. Dañ was ist gott dienen anders/dañ sein gebot  
halten: Nun sind alle sein gebot/das wir in von ganzem her-  
zen/vnd den nechsten als vns selb lieben/ auß dem alles das ge-  
sagt ist eygentlich vnd gewiſſlich volget/ was ist dann geistlich  
leben anders dañ auß dem glaubē den der geyst Christi in vns  
wirckt/die frucht des geists bringen: Welche seind liebe/freud/  
freid/langmut/früñtlicheit/gütigkeit/glaub/sanfftmüt/keuſch-  
heit/welche in solchen fruchtbar sein / das seind diener gottes /  
wie sye der vatter haben will/die in im geyst vnd der warheit  
anbetten/ware opfferer vñ priester die sich selber vffopfern ein-  
heylich / lebendig vnd gefellig opffer gott dem herin/wie dañ al-  
le christen sein sollen. Des eüſſerlichen als da sein/körddet/kap-  
pen/kutten/vñ der gleichen gleichnereyen acht er nit. Dañ er vñ  
Juden

Juden seiner eygen cerimonien nit wolt/ die er in gepoten hat  
Wo nit der glaub/die liebe vnd der ganz geistlich gottes dienst  
an inen gefundē ward/wie man das gar scharpff außgedruckte  
findet/ Esa. 1. vii. 58. vii. Hiere. 7. Der massen redet nun auch  
Paulus. 2. Corin. 6. Sehet jeh ist die angenehme zeit/spricht er  
jeh ist der tag der seligkeit / loßt vns aber nieman jergen ein er-  
gerniß geben/auff das vnser ampt nit verlestert werde/ sonder  
in allen dingen laßt vns beweyßen als diener gottes/mitt groß-  
ser gedult/mit trübsaln/mit nöten/mit engsten/mitt schlegen/  
mit gefenknüßen/mit arbeit/mit wachen/mit fastē / mit keüße-  
heit/mit erkandniß/mit langmüt/mit fründelicheit/mit dem  
heylgen geist/mit vngeserbter lieb/mit dem wort der warheit/  
mit der krafft gottes durch waffen der gerechtigkeit / zur rechtē  
vnd zur lincken durch preuß vnd schmach erdicht/ Dergleichen  
leret Paulus auch an andern orten / wie dan die ganz schrifft  
gottes. Deshalb sich vergeben Clericos vnd geistlich heissen  
werden/ alle die in solchem gottes dien st vnd geistlichen leben  
nit ir stäte übung haben.

¶ So besecht nun ewer leben/gottes dienst vnd geistlichkeit  
in disem spiegel götlicher leer vnd warheit/ werdt ir leyder fin-  
den/das im kaum ein sect oder standt vngleicher vnd vngemes-  
ser lebt vnd handelt/was sich ewer vil zü gott versehen oder im  
vertrauen/vnd wie sye in zum erbtēyl habē/ weyß ich nit/ eng-  
stlicher sorg vnd trachten noch dem zeitlichen findet man bey  
den aller vngleubigsten nit. Dan ewer eilich dem güt noch stel-  
len vnd das nießen/wider götlich/bäpstlich vnd natürlich gfas  
das götlich gefas gündt allen denen so dem Euangelio dienen  
von dem Euangelio zü leben/wie die alten so dem altar diene-  
ten/da von lebten. Nun haben solche nit genüg/das sye ein er-  
bare versehen haben/von iren Vicariate / die in allein noch  
sauer werden zü verrechnen/vnd verantworten/ als sye sich sol-  
cher nuszungen prauchen/sonder stellen erst noch pfarhen/wel-

the nichts dan dienst sein des Euangelij/das solche das geystli-  
ch sagen solten / die schäfflin Christi weyden /vnd tag vn nacht  
im wort gottes vnd der lere arbeiten/ Da fragen sye aller ding  
nirnach /thün solchs alles selber nit / sehen auff die pfarren die  
von gott nichts/oder gar wenig wissen/ Vnnd wo etwan einer  
durch gnad gottes selb wolt seins ampts recht warten / den ley-  
den sye nit /versehens auch mit allem vleyß/das kein solcher vff  
die pffarr kom/die sye verschlunden / das ist / sye nemen grosse  
nukung ein/das sye die armen seelen weyden solten/mit dem le-  
bendigen wort gottes/ so keren sye allen vleyß an / das den ar-  
men solichs nit geprediget/sonder sye mit menschen tandt vnd  
lugen verfürert werden/Dadurch sich ir mitling oder helffer er-  
halten/vnd sye alle rechte nukung der pfarz mögen ein nemen  
vnd verthün /wie leyder am tag leydt / das doch wider alle na-  
türlich billigkeit ist. Nemlich sich versprechen jemandis diener  
zú sein/darumb grosse belonung ein nemen /vnd denen / wels-  
chen er zú geystlichen gütter dienen solt/an seel vnd leib schade.

**¶** Dieweil dann solche den elenden sterblichen bauch gott  
nit dürffin vertragen / so sye etwan bey. 80. oder. 100. gulden/  
jårlichs einkommen haben / teglich betrachten doch noch me-  
rer besizung/wider götlich/natürlich/bäpstlich recht/der pfarz  
ren nukung ich meyn/die sye nit versehen / zú verderbnis der  
armen seelen/vor die Christus gestorbe ist / wie dörfen sye sich  
doch Clericos nennen/der erbreyt gott sein solt/vnd sye gottes /  
des sye doch so gar nit achten/vnd dem zeytlichen allein /vnnnd  
darzú durch so vnbillich mittel on vnderlaß nach trachtē. Wie  
dörfen sye sich doch christlich nennen lassen/die also im zeytli-  
chen ersoffen seind? Denen will ich zügezelt haben / alle die  
vmbß gelts willen mehhalten/singen vnd lesen/die das heylig  
wort gottes/die Psalmen vnnnd anders die heylig gedechnis  
vnd danckfagung des leyden Christi / nit mer achten / dan das

ſye dadurch gelt gewinē/ ir feyg / mütwillig/ ſchendlich lebē  
zū vnderhalten/warlich was ir ſchas iſt/das iſt ir gott/wo dañ  
ir herr iſt/da müß auch ir ſchas ſein / So dann ewer ettlicher  
herr gar im geys weltlichs prachts vnnnd wolluſts erſoffen iſt/  
was wolt dañ anders/ewer gott ſein/dañ der bauch: Darumb  
ewer eer zū ſchanden werden müß / die ir auff irdiſch geſynnet  
ſeind. Philippen. am dritten / Darumb lieben brüder ir ſo ſol  
lichs thun/entweders/bekent das ir nitt Chriſten ſent/ ſonder  
heyden/die für den leyb alſo ſorgen / Ich ſchweig Elericos do  
mini/gött ergebne/vnd die gott zū eygen haben/oder beweyſet  
ein andern glauben/ So lang ir gott den bauch nit vertrauen  
dörfft/der die vnuernünfftigen thier vnnnd vögel/ ja die vnent  
pffentlichen blumen überreichlich verſicht vnnnd zierdt / welche  
vns auch Chriſtus zum exempel fürwirfft/wie wolt ir ſagen/  
das ir jm vmb ewig leben vertrauet: vertrauet ir jm dann  
nichts/vnd müß die ewig warheit / ewer lugner ſein/warumb  
gebt ir eüch dañ für ſeine diener auß:

¶ Also laßt auch fallen den namen/geiſtlich / die ir doch ſo  
gar fleynlich leben/die werck des fleynſchs ſeind offenbar / als  
do ſeindt/ Ebruch/hürerey/vnreinigkeit/geyheit/abgöttere  
zauberey/ſeyndtſchafft/hadder/eyffer/zorn/zanck/zwytracht/  
ſecten/haß/mordt/ſauffen/freſſen/vnd der gleychen/ von wel  
chen ſchreybt Paulus zun Galia. am ſechſten/ Ich hab eüch zū  
uor geſagt/vnnnd ſag noch zū vor / das die ſolichs thun/werden  
das reich gottes nitt erben. Darumb ſye auch nitt geiſtlich  
ſeind/die dem geiſt ſo gar zū wider leben/vñ ſo weyt von kint  
ſchafft gotes gefundt werde/ Nun diſſe ſtuck all leid ſind ewer  
wilē nit frembd/dz zū vil am dag leydt. Dañ vñ ewre beſiſ vñ  
ergerliche lebē/beinoch alle inwoner vnluſt tragē vñ ſchmerckē.

Darumb ir dan / so bey einer trefflichen christlichen communität leben/doch zu leyst bedenkens haben solten / eüch zu bessern vñ nit jedermans strüchstein zu sein.

¶ Abgötterey vnd göhen dienst neüer Paulus den gehß / wie reyn ir von solchem seit / wüßt ir selb am besten / wie wol der heiligthumb bilder vnd walfart / auch vil meer achtung bey eüch gewesen ist dan dem rechtgeschaffnen christlichen / glauben zu treglich gewesen.

¶ Von feindschafft / hader / eyffer / zorn / zancck / zwittracht secten / hasß vnd mort ist nit not zu reden / die welt weyßt das nie man leychter feindschafft annimbt vnd kümmerlicher nachlößt vmb geringer vsach hader anfacht vnd gegen meniglich mer eyffer vnd neyde tregt / sich vmb nichtigere vsach erzürnet / zäck zwittracht vnd secte anrichte / vnablößlichen hasß tregt / vñ als gern mort sehē / derē die die warheit predigen oder gern hören dan eben vil vnder eüch / das sye mit iren hitigen / giftigen lügen die sye teglich on zal / tichten vnd sagen / wider die / dem Euangelio sich geneygt erzeygen / vnd dem begeren an zühange wol bewissen: Darin sye keiner oberkeit verschonen / keiner empfangenen wolthat indenck seind / keiner bürgerlicher beywohnung achten. Ir vnder eüch selb / wie vil neyds / eyffer / hadder / zorn vnd zancck verlaufft sich. Wie ein gerings ist es etlichen / so sy sich gezancck / gescholten / vnd iren brüderñ übel vñ mit lügen noch geredt haben / gleich an stat über altar gon / da ire zungen noch zitteren von solchem reden. Ich wolt mein pfrün darumb geben / das ich solt ein solchen leker selbs erwürgen / oder sehen tödten müste mir auch die aller größest freid sein / wolte also gott ein groß gefallen thon zc / in den man dan ewren hupschen glauben wol spüren mag.

¶ Von fressen vnd sauffen / spilen vnd dergleichen darff es

auch nit wort/dañ vnder eüch seind deren solchs stete übung ist  
No ewer übung solte sein im gsatz gottes. Wer auch vñ ewer  
eilich ist/höret nit vil anders dañ von solchen dingen reden vñ  
anschlagen/vnd darff da neben übel vnd übel reden/denen/ die  
das gleyhnerisch fasten an zeyt vnd eilich speyß gebunden/ dar  
durch doch dem fleysch kein abbruch geschicht / nit hoch halten/  
vermaledeyen/die in den .40. tagen eyer oder fleysch essen / so  
doch sy kein schleck mit fischen vñnd andern vmbgon/auch gar  
nichts fasten/vnd also leben/das sprichwort von jnen vñ jrs glei  
chen auffkomen/was gut ist/gehört in die pffaffen.

¶ Das vnd vil anders ist vnleuckbar/da bey/als bey fleysch  
lichen fruchten/man eüch nit anders dann fleischlich erkennen  
mag/vnd vngleübig. Dañ so ir nit platten/schwarze kuttē trü  
gen/wie ir im aduent vnd in der vasten pflegen züthon / auch  
lange kleider/vñ chorrock vñ im chor nit wüßten presens zü ver  
diene/wer doch an ewer etliche/ein einigs zechē nit/da bey mā  
eüch vor dē aller fleischlichsten erkennen künde/ Nun hat Chri  
stus selb gesagt/bey irē fruchte werden ir sye kēnen. Des halb  
solt ir eüch auch nit verwundern/dz man eüch seind ist/übel res  
det/vnd etwan wider eüch handelt/die natur kan nichts lieben  
des nieman mag gebessert werden / was nuz vnd frumen nun  
aber von eüch kompt wie fründlich auch vnd mitleidig ir eüch  
mit den leütten halten / wie willig ir seit alle bürdē mit zü tra  
gen/wie geflissen alle ding zum besten auß zülegen/wüßet vnd  
entpfindet ir zü güter maßen wol. Darumb ist kein wunder dz  
ir bey denen die nach der natur leben/nitt vil gunst haben oder  
hoch gehalten werden/ Welche dañ Christen sein die halten  
alle(die sich christlichs namens berümen/vñ aber vnuerschäpe  
widerchristlich leben/die straff dazu nit dulden/vnd dem worte  
der warheit widersprechen für heidē) fliehen ir gemeinschaffe  
vnd wo sye künden hinderen sy/ir gotlos lebē/wie wol sye doch

die selbigen lieben vnd jm bereyt sein alles gûts zûthûn/so ferr  
sy sollichs nur wolten annemen.

¶ Vnd darumb lieben fründt vnnnd brüder / habt ir noch ein  
herz das die warheit fassen mag/so erleüet doch das ein got ist  
der da warhafft ist in seinem zûsag/ vnd allmechtig das selbig  
zû leyten/auch so genüg das er vnser vatter sein will / auch so  
weiß das er alle ding weiß zûm besten zû richten / der hatt vns  
ein geschriffte gegeben/die Bibel genant alt vñ new testament  
Ist er der best/so muß sye freilich die beste leer in haben/ So ir  
dañ so reylich verschew sein / vnd die muß habē/wolt in der sel-  
bigewer übüg habē/vñ jr vor alle andern büchern obligen/vñ  
glauben geben/sye selbs lesen/vnd von andern hören außlegen  
vñ verflerē/eüch auch nit lassen irren das gotlos geschrey derē/  
so sagen/man soll nitt an die predigen gon / man sag keneren/  
newe leer/vnd der gleichen/denen die ganz Bibel muß Luthe-  
risch sein/vnd das heylbringig wort gottes/verderblich/welchs  
doch wie Paulus spricht / macht den menschen weiß zum heyl  
volkommen vnd zû allem gûten geschickē / das weder Decret/  
Decretal oder vnser statuten vermögen. Was ir in disser fin-  
den/lond eüch das selbig das best sein/darñ werdt ir finden/dz  
gott nichts so hoch von vns fordert als das wir im vertrauen /  
auff das genüg thûn Christi Jesu vnser heylands/vnnnd sein  
gna<sup>d</sup> vnd lieb/ auß der/er in/ sein eingepornen sun / für vns in  
den tod geben hatt/wie solt er dañ nit mitt jm vns alle ding ge-  
schenckē haben/als Paulus zun Römern sagt: Darumb sehet  
frey auff jnen ewer vertrauen/er würdt ewer vatter sein / der  
do weiß was eüch not ist/vnd leset den seinen kein mangel. Nitt  
seye klüg in ewerm synn/es hilfft kein weyßheit/kein verstande  
kein kunst wider den herren/Prover.21.vertraut nit auff men-  
schen/sye seind wie ein gras/vnnnd all ir eer wie ein grasblum  
verlasset eüch nit auff Fürsten / auff mensche kind/der doch nit

helffen kan/dañ sein geist muß auß faren /vnd wider zu seiner erden kommen/als dañ sein verloren alle seine anschlag/Wol dem des hilff der gott Jacob ist / des hoffnung stehet auff dem herren/seinem gott/Psal. 146. Ewer erlich haben vil versucht/ sich auff menschen offit getröst / was haben sye doch bissher anders/dañ spott vnd schand/erlanget: Warlich gott will vnsern hochmüt straffen/die art ist an den baum geset/ Thün reche geschaffne werck der büß/betrachten ein mal wie ir im. 33. ps. so offit singet/Alle welt fürcht sich vor dem herren / vnd vor im schemen sich alle die auff dem erdboden wonen./Dan so er spricht/so geschichts/so er gepeüt/so stets da/ der herr macht zu nüt den radt der heyden/vnd hindert die gedanken der völder. Aber der radt des herren bleybt ewiglich/seins herzen gedanken für vnd für / Wol dem volck des der herr ein gott ist / das volck das er zum erb erwelet hat.

**D**arnach wisset / das der Glaub durch die liebe erzeyget ist / die liebe aber ist langmütig vnd fründlich / die liebe eyffert nitt/die lieb schalcket nit / sye bleyhet sich nit/ sye ist nit onwürß/sye sucht nit das ir/sye leßt sich nitt erbitteren/ sye gedendet nicht arges/sye fremet sich nit über der vngerechtigfeit/ sy fremet sich aber mit der warheit/sye vertregt alles/ sye glaubet alles/sye hoffet alles/sye duldet alles. Wo nun die liebe nit ist/ da seindt auch kein Christen/der herr spricht/Joann. am fünff sehen/In dem würdt man erkennen /das ir meine jünger sein/wann ir werden lieb vndereinander haben / Darumb lieben brüder erachtet der lieb ein wenig baß noch / dann bissher. Ir seit sunst nichts/was ir eüch toch zu messen/ Nit bindet so bald mit einem jeden auff/beweyßt eüch fründlicher mit ewren mit burgern vnd brüdern/eyffern vnd neyden nieman/meide nieman/dañ so von der christlichen kirchen gepannet ist / wer wol handelt wirts findt/wer übel/wirt auch nit entgon/stellt ab all



schalckheit vnd üppiige reynung/nit gefallet eüch selber/stolziert  
gegen nieman/verspottet nieman/nit seyde also eygenmüsig/  
laßt den herren für eüch sorgen/nit laßt eüch so bald entrüsten/  
gedencken niemant zü schaden / dann alles vnglück felt auff  
ewern kopff/frewet eüch keins gottlosen wesens / noch gewalt/  
so etwan wider die vorgeher götlicher warheit möchte brauchte  
werden/frewet eüch mit der warheit/sye wirt eüch nit schaden  
sonder seligmachen/möchten ir sye allein annemen/leret eüch  
vertragen/so eüch schon vnbillichs widerfere/glaubet dem her  
ren/hofft auff sein züsagen/er würt eüch helfen / dann er ein  
heyland ist aller die auff in vertrauen/duldet die hand gottes/  
laßt in mitt eüch machen so werdt ir selig / habt ewer oberkeit  
für augē horfamen ir in allen christlichen fürnemē darzū eüch  
götelich schrift ermanet.

**S**eit ir christen/wölt ir geistlich sein/dencket das Paulus  
sagt/welche christen sein/die habē ir fleisch gecreüsiget/sampt  
den lusten vnd begirdē / stelt ab ewern schantlichen müßigang  
spilen/fressen vnd sauffen/vor allem aber / den verzweyfelten  
wollust des fleisch/wy leyde öffentlich am tag leyde/solche habē  
kein teyl am reich gottes/man sol nit mit in essen od trincke. Ist  
es nun nit zü erbarmen/das die die geistlich sein wollen/dz sye  
so feynste narung haben. Ja die die ire nechsten christlichen brü  
der vmb solch leben bißher der Sacrament beraubt haben/sol  
len also in vnuerschampter ergerlichem leben sitzen? Was er  
gerniß/jamerß vnd nichtigkeit solchs allenthalb geporen hatt/  
sicht man leyder nur zü vil/ Dencket doch das ein gott sey / der  
solchs noch seinem wortt freylich nitt würt ungestrafft lassen /  
Vnser leib ist ein tempel gottes/werden wir den nit dem hern  
begeben/sonder in schendlichem leben beharrē/so ist doch neüt  
gewissers daß das wir kein teyl am reich gottes mögen haben/  
vnd were vil mer zü ratten hette eüch gott die hohe gab der keit  
scheit nit geben/das ir eüch in den Selichen von gott selb auff  
gesetzten

geſekten / vnd jederman erlaubten ſtand begeben / wie dann et-  
lich ſchon gethon haben / vnd ſich hierin gebessert / des ſye dann  
groß lob vnnnd eer bey frommen chriſten haben / wie vil weger  
iſt / menſchlich gebot übertretten durch die Ee / dan̄ das götlich  
durch vnkeuſcheit. Wie vil weger iſt der pfund vn̄ alles zeytli-  
chen beraubt werden / vmb einer Eefrawen willen / dann das  
hymelreich vmb einer huren willē. Vertrawē gott / er iſt noch  
ſo mechtig / er würt eüch bey ſeinem gebott wol ſchützen mögen  
wie bald vnnnd wie leicht ſterben wir / nun wurt gott vmb vnſer  
büberey willen / nitt wöllen lügenhafte erfunden werden / kein  
büler / kein Eebrecher / würt theyl haben am reich gottes.

Der gelübden halben / weiß man wol / das ein narrechtig vnnnd  
ongleubig verheſſung gott mißſelt. Zu dem / ſo iſt die Ee ver-  
bieten ein teuſſelich ler. Darumb müß auch ſolich gelüb / dz  
mit jm bringe verbot der Ee / teuſſelich ſein. Auch ſicht man  
leyder nur zu vill / das ſolichs gewißlich vom teuſſel auff kom-  
men iſt / daher ſo vil ſchand vnnnd laſter in die welt geſchweimē  
Es bringt je kein güter baum / böße frucht.

¶ So ir von einer herrliche narung / die eüch von gotts ga-  
ben gereicht würt / anders nichts vernieynt zu thun ſchuldig  
ſein / dan̄ die ſiben zeyt halten / das doch warlich nitt iſt / Ein je-  
der Chriſt iſt ſchuldig / wo mit er kan vnnnd mag ſeinem nech-  
ſten nutzen / wañ er ſchon niemand bedörffte / vnd von nieman  
nichts neme. Paulus heyßt arbeuten / das man mög handrey-  
chung thun denen die noturfft habē / Doch dieweyl ir je meyne  
das ſye ewer pflüg / ſo wölt doch vmb gottes / vnnnd ewers heyls  
willen bedencken / das gott das volck nitt will / das in nur mit  
dem munde eret / das herz will er haben. Erkennet doch / das die  
Pſalmen ſo theüre wort gottes ſeind / leſet / ſtudiert / lert die ver-  
ſton / ſingt vnd leſet ſye mit herzen / nitt heült vnd ſchlappart ſy  
übereinander (wie die hungerige jaghund thun) also vmb das  
ſchandlich gelt allein / w̄z ſoll man doch von ewrem gots diñſt

halten: Wer nit eben do müß sein/der kompt nit/ vnd kommet  
nit ee dan so er nit lenger mer/on verlust der presenz mag auß  
bleyben/was soll doch der nechst christlich bruder gedencken/ so  
er ewer ein rott/zwo/drey sicht/üppig geschweh/offt schanlich  
geperd treyben/vnnd wann es an dem ist / das es gile hin auff  
den Chor lauffen/wie die betler die die späd versaumbt haben  
Sicht man dan nit wo eüch das hers leydt / vnd welchem gote  
ir dienen: Des gleychen/wan man schon hinauff kompt/wie  
vil mer seind/die in dem gotes dienst gleich erlegen sind/wan  
das sie singe vnd lese. Dan kein offen ort ist / darin so vil lügen  
vnnüße meren / nachred vnnd schamper red getriben werden /  
als in ewern synagoge/nach müßes ein köstlicher gotsdienst sein  
vnd ein leker wer da wider redt/ Darzü ist durch menschen ler  
dte von der warheit abwendet/in ewrem gepet vnd gesang gar  
vil/das mit göttlicher schrifft nit stümet/on das / das sein auch  
so vil ist/das es vonn nieman mitt auffmerckung mag gespro  
chen werden. Darumb ir den heyden gleich seind/die so sye bet  
ten/vil wort machen/das vns Christus verboten hatt. Nun  
möcht in dem wol ein christlich reformation geschehen / darzü  
ich/der es allein nitt vermag wolt radten vnd helffen. Aber  
ewer etlich als ob sye der warheit ab gesage hetten/wöllen aller  
ding von irem alten trib nit weychen/ob sye schon greynffen/dz  
es nichts solt/als die vergebene dienst/mitt dem füßweychen/ so  
in der vasten von etlich etlichen alle dag beschicht / wie christlich  
aber/ ist eüch wol zü wissen/ Das ir armen leütten thun solten  
vnd gelt darzü geben/so nempt ir gelt darumb / vnnd treybt nur  
mit dissem/wie mitt anderm das gespött / Warlich gott ist der  
armen vatter vnnd recher / ir werdt es noch alles wider geben  
müssen.

¶ Der gleychen/so wir wissen auß dem göttlichem wort/  
das das/so wir Mess heysen / communio vnnd Eucharistia/

das ist ein gemeynschafft vnd danckfagung sein soll / das wir da bedencken / das Christus sein leyb vnd blät für vns auff geopffert am creüz vns dadurch erlöset / in des danckfagen / vnd vnns in solichem glauben vnd brüderlicher liebe zü sammen verbunden / so wöllet auch vmb gotts willen eüch massen vmb gele also zü Messen / dadurch Christus gretlich geschmecht vnd der nechst ellendlich betrogen vnd verfürt würdt. Des ich eüch lengest auch ermanet habe / vnd gern gewölt / das ein gretlich enderung vnd erleychterung beschehe in der vnderung / Mess zü lesen / etwan von ein Thum Capitel / güter meynung auff gericht.

¶ Welche nun vnder eüch noch vonn gott nitt verworffen seindt / bey denen die warheit noch statt hatt / alls on zweyffel noch etlich sein werden solche meine ermanung / welche auß liebe der warheit / vnd ewers heyls willen geschehen / fründlich auffnemen / vnd was sye scharpffes hierinn lesen / wider ir leben verwürckt / das wöllen denen lassen gesagt sein / die in sollichem schuldig seind. Welche ich auch allein in dē selbigē will gemeynnt haben. Bitt hiemitt auch die schuldigen / sye wöllen in lassen leydt sein / das sye in sollichem gottlosen leben oder wesen behaffet seind / dann das mans vonn in schreybt oder saget / disses schadet inen nichts vnd mag sye wol bessern / darinnen aber behaffet sein / verderbet sye ewiglich vnd macht sye vor gott vnd der welt schammrod.

¶ Des Ehorgangs halb aber / wie etlich beschwerde haben / das ich nitt sters zü gegen binn / sag ich / so ich sehe das man die warheit vnd eer gottes im gesang süchet / vnd das selbig dem

wort gottes gemeß ordenet/das sichs doch jeman bessern möchte  
wolt ich meins theyls nichts verfaumen. Aber so das in vil stü-  
cken dem götlichen wort vngemeß/vnnd also gebraucht würt/  
das die gemein gottes sein nit gebessert/ja man singt vnnd liest  
es der massen/das die selbs singen vnd lesen nit künden frucht  
daruon schöpffen/vnd das das ergist ist/so geschicht es von me-  
rem theyl/nur mit dem munde/das das ein gespott gottes ist/  
Ich schweyg viler andern leychtfertigkeiten/das kan ich mir  
vor keinen gottes dienst achtē/der da will das man jm im geist  
vnd der warheit dienen soll. Joann. 4. Wir haben. 50. Psal.  
Aber zum gottlosen spricht gott/verkündigestu mein rechte vnd  
nimmst mein bundt in deinen munde/so du doch zucht haffest/  
vnnd wirffst meine wort hinder dich/wen du einen dieb sahest  
so lieffest du mitt jm/vnnd dein theyl war mitt den Ebrechern/  
dein maul lieffest du böses reden/vnd dein zung richtet trigeren  
an/du fassst wider deinen brüder/vnd reddest/den sun deiner  
mutter verleumbdestu.

¶ Vnd darumb lieben brüder ergebe euch dem wort gottes  
seyt lober vnd nit spotter gottes/halten die theure wort gottes  
höher dann das ir nur ein bauch dienst drauß machen/so will  
ich/als weyt mir möglich sein würdt euch ein trewer beystend-  
er sein/vnd nit allein nit helffen beschweren/sonder erleychtes-  
ren als weyt sich mein gewalt strecket. Bedenckt lieben brüder  
das Salomo sagt Prouer. 15. Der gotlosen opffer ist dem her-  
ren ein grewel. Aber das gebott der auffrichtigen ist sein wolge-  
fallen.

¶ In summa/das bezeüge ich mich vor gott vnd allen eng-  
len vnd menschen/hie mit dieser schrift/welche ich mit wissen  
vnnd willen gütter christlicher brüder hab lassen außgon/nit

mir zu rüm oder eer/dann gott alle eer geben soll werden/auch  
niemants zu trasz oder widerwille/sonder das mein gemüt vn̄  
herz ist an jederman/besonder aber an etlich/derē vorgesehter  
ich sein soll/allen waren gottes dienst zu fürdern vnd meeren  
vnd so ich des gehorsam an etlich haben möcht/solt mein gröste  
freüd sein/in dem stets mich bemühen/Wz gehorsam ich aber  
von etlichen hab/ja deren vngheorsame ich nit/wie etlich ande  
re prelaten mit gelt hab wöllen straffen. Item was hinderniß  
mir auch durch andere beschehen/wissen sye am besten/Ich sa  
ge/vnnd gotu weyß das ich war sag/so ferz mir imer müglich/  
wolt ich gern helffen/vnnd ratten/das vnser Stiffte in allem

dem götlichen wort nach/auff das best gereformirt würd

vnd ein warer gottes dienst/da auffgericht/das diß

geschehe/wöllen wir gott helffen bitten/allen

die sein eer süchen/der wölle vns alle le

ren seinen außewelten weg/dan̄

man blazt vff zu der zuküfft

Jesu Christi/Die schaff

haben des rechten hirtē

stüm vn̄ horn gehört

die vergiffte weid

ist gerau

met.

1 5 2 5.

¶ Getruckt zu Straßburg durch Wolff Köppel am Ros  
marckt/am. 9. tag des Mays. An 1 5 2 5.

18579.33

*[Faint, illegible text, likely bleed-through from the reverse side of the page.]*

*[Faint, illegible title or section header.]*

*[Faint, illegible text, likely bleed-through from the reverse side of the page.]*